



14284/D



Digitized by the Internet Archive
in 2018 with funding from
Wellcome Library

<https://archive.org/details/b30539353>

304.72-65

HERMANNI BOERHAAVE ORATIO

Quâ

REPURGATAE
MEDICINAE FACILIS
ASSERITUR SIMPLICITAS.

Habita xx. Mart. MD CCVIII.

Quum Medicinae & Botanices profes-
sionem susciperet.

Editio Altera



LUGDUNI BATAVORUM,
Apud JOH. ARNOLD. LANGERAK, 1721.

THE
CITY OF

REPORT
OF THE
CITY COMMISSIONER
FOR THE YEAR
1901

ALBANY, N. Y.
JANUARY 1, 1902



PRINTED BY
THE ALBANY PRESS

Generosissimis atque Illustrissimis Viris,

ACADEMIAE LUGDUNO
BATAVAE
CURATORIBUS,

D. JACOBO, BARONI WASSENARIO,
Dynastae in Wassenae, Obdam, Hensbroek,
Wochmeer, Spierdijk, Zuitwijk, Kernchem,
Twickelo, Lage, &c. Illustris in Hollandia No-
bilibium Collegii Primo, Elephantini Ordinis in
Dania Socio, Equitum Foederatae Belgicae Ma-
gistro, Sylvae Ducis, aliarumque istic Arcium
Gubernatori, ad Reges & Principes varios nu-
per extra Ordinem Legato, &c. &c. &c.

D. HUBERTO ROSENBOOM,
Toparchae in 's Grevelsrecht, JCto, & Supremae
Batavorum Curiae Praefidi, &c. &c.

D. HERMANNO VANDEN HONART, JCto,
Urbis Dordracenae Senatori & saepius Consuli,
Comiti Aggerum in Alblasserweerde, Designato
jam tertium, qui Delegatorum Hollandiae Or-
dinum Collegio adsideat. &c. &c.

E O R U M Q U E C O L L E G I S,

Nobilissimis & Amplissimis Viris,

D. A B R A H A M O VAN A L P H E N, JCto,
Consulum Praefidi, & jam Quartum

D. CONRADO RUYSCH, JCto, Octavum

D. FRANCISCO VAN KERKHEM, JCto, Tertium

D. JUSTO VAN HEEMSKERK, JCto, Secundum

Consulibus Florentissimae hujus Urbis, variis insuper extra eam Honoribus, ac Rep. domi forisque praeclare gesta, Illustribus.

E. T.,

Qui Splendidissimi Hujus Collegii Acta curat,

Gravissimo, Prudentissimoque Viro,

D. J O H A N N I V A N D E N B E R G H, JCto,
Civitatis Lugdunensis Senatori & ter Consuli, jamdudum
à Potentissimis Foederatae Belgicae Ordinibus Bruxellas
ad res Brabantiae Flandriaeque ordinandas atque consti-
tuendas praecipua cum auctoritate Legato, &c.

Hanc Orationem

L. M. Q. D.

Gloriae ac Virtuti Eorum

Devotissimus

HERM. BOERHAAVE



HERMANNI BOERHAAVE ORATIO.



â Veritatem fulgere pulchritudine, ut nudatae speciem haud ferrent mortales, constans Sapientum fere est sententia.

Hanc ergo, si minus personata spectaretur, simplicissimam fore qui dixerit, nae ille hujus elegantiae detractum velle censebitur!

Ita tamen ut sentiam speciosis equidem inducor argumentis.

Si enim, quaenam demum illa sit, quae tam admirabilis celebratur, Veritas, liquidô quis viderit; hâc ipsâ simplicius nihil, nihil minus admirabile, quidquam reperiet.

Illâ quippe, in clarâ contemplatione idearum fundata duntaxat, haud aliud negotii suis dat Cultoribus, quam ut juxtâ perspectas has imagines de convenientiâ ipsarum, vel diversitate, seriô secum cogitent.

Quod ipsum purâ perfici intellectus attentione ad ea, quae in semet contuetur ipso, undecunque demum nata gerat, cogitata, quis inficiabitur?

Haec verô, ubi ab omni alieno câsta contagio, offeruntur menti, vah quam sunt simplicia!

Quia & ipsa illa attentio his affixa solis, inter omnes est mentes actiones simplicissima.

Adeoque decantata illa ut omnis admirabilitatis parens, ubi possidetur vera, quam est tandem simplex, Veritas!

Cernit vera, qui aliena rejicit.

Personam, fucum, vestes quisquis abstulit, facilis, quod latet veri sub his, deteget.

Vos ego compello, castissimi intemeratae veritatis Cultores, Mathematici.

Intricatissimi cujusque problematis quamdiu, quaeso, percellit admirabile?

Tamdiu fanê, donec nodus resolutus sit: tunc enim cum detectâ veritate emergit mox simplicitas, evanescitque omne admirabile.

Hujus quoque respectu scientiae unam modò laudatis, dum quaestioni solutio præstatur multiplex; illi nempe palmam decernentes Soli, quae summâ se prae caeteris simplicitate commendaverit.

Vos quoque, Geometrarum pars optima, Mechanici, qui unum simplicissimum probatis instrumentum, quoties multa eidem operi efficiundo a-

pta

pta habetis, Vos suffragantes annumero sententiae.

Vera tandem quisquis detexit penitissimè, censendus erit ideò praestitisse aliis, quia nudas res ad intaminatam simplicitatem commodè redegit, atque Scienter.

Quod ipsum in quocunque demum Sapientiae humanae genere verissimum haberi, seculorum index, memorat historia.

Aesopum, Socratem, Democritum, Hippocratem, Verulamium, Cartesium, veri ubique, cui indagando se dederunt, revelati gloriâ eximios vel ipsa clamat invidia.

Tantae verò claritatis quaenam in propatulo habetur causa?

Vitam lustranti, Horumque monumenta, princeps excellentiae instrumentum dicta apparebit nuditas.

Veri ergò character ubique est simplicitas, illi indagando fidissima haec index est.

Quae dum ipse mecum reputavi saepius, in eâ illam arte colendam simul credidi, à cuius fide pendet tuta salus hominum.

Illa autem quin sit Medicina, ecquis nostrum ambigit?

Quam ipsam, ubi integrâ puritate colitur, simplicem esse atque facilem paucis persuadebo.

Lege enim consuetudinis de re dicturo medicâ dignior

dignior haud adfuit, quam mea Vobis oratio poliret, materies.

Maximè, quum deditâ id multi agant operâ, quô infinitum adeo laborem Artis jactitent, ut desperatione debilitatis, spe infractâ, langueat industria, nihil superesse rata, quo arduum accessum mollire queant seduli. Nec alienum simul à ratione novi hujus muneris visum fuit, cujus magna pars simplicium explicatione constat.

Dum simplex mihi dictio liberi animi sensa breviter explicat, auribus favete: Et, an propositum bonâ firmem specie, noto candore ferte sincerum rigidi judicium.

Ea solum ad Medicinam pertinere, quae, vitam tuendo atque sanitatem, ab injuriâ morborum tutos praestant homines, planum haberi arbitror.

Quorum quidem vim & materiem esse infinitam, tralatitiae fere opinionis fide traditur.

Quare inter omnes, quae cluent, Artes, Medicinalem ut copiâ diffusissimam, ita hinc difficillimam esse, pervulgatus sermo est.

Verum, qui dubia à certis, à veris falsa prudens separaverit, sinceræ Artis pauca habet dogmata.

In hâc enim condendâ assumendum nihil, cujus perito est suspecta fides, jubet erroris praeventuens prudentia, &, quae ad nostra capita pertinet,

net, funesta fallaciae perniciēs.

Quae sanē nunquam felicius vitabitur, quam explodendo quidquid sectis proprium.

Nec apparebit veritas facilior, quam si sincerum id modō admittitur, quod Idonei omnes communi semper approbant suffragio.

Ad hanc si castigatur Medicina legem, quae alienā turgebat mole, ad suum reversa habitum, in parvam statim residet magnitudinem.

Id ut confirmem, in rem erit capita lustrare, quorum, compilando, caeteri sunt simiae.

Quisquis hoc animo monumenta excussit medica, divo is Hippocrati accepta feret pleraque.

Sed, si illius volumina emaculata fuerint, pauca dabunt certa, & illa simplicissima.

Ignem & aquam; Elementa, horumque potestates; Naturam, ejus amores, odia, attractiones, repulsas, & ratiocinia; calorem naturalem: coelestes causas; vitia in Anatomicis admissa, expungite! tum id, quod ab his pendet, atque mirificē auget scripta Hippocratica, evellatur funditus! quid superat? Corpusculum observationum nec a sensibus, nec ab intelligentiā valde remotarum.

Mellifluo suavis ore Plato, tantique Viri numerosa secta, quot scriptis medicas ornavit Bibliothecas?

Sed triangulos, numeros, ideas, elementa, hu-

B

mores,

mores, genios, appetitus, harmonias, parabolas, & horum omnium sacra myſteria repudiate, ſimulque eorundem tot falſa conſectaria, Vos oro, quae ſunt reliqua?

Pauca, quae prior dixerat Hippocrates.

At, ſi in Illum animos convertitis, qui non minori ambitu principatum ſpirat in ſcientiis, quam Ferox ejus Discipulus imperium in orbem; en Auctorem, à cujus ore omnis ferme à Platone uſque in Paracelſum ſuſpenſa hæſit Medicina!

Neque tamen boni quid, vel ullius in Arte frugis, habet ſchola Ariſtotelica, quin ex Coacis raptum monumentis purum ſit, & putum Hippocraticum.

Adeò autem obſcura, vel falſa & generalia ſunt reliqua, ut nihil momenti Medicae adferant ſcientiae.

Tu tandem Claudi Galene, Anatomica exceperis, quidnam bene utilis tam vaſtis conſecraſti tabulis?

Pura quidem in hiſce Coaca nitent; verum, iis excerptis, reliqua ſine ſplendore ſordet, caditque nervis moles vidua.

Concludo itaque: ſed praecipitem dictionis impetum interpellat venerabilis Arabum chorus! quam copioſa ſplendet hiſ librorum ſupellex! quam dives eſt, qui hiſ reconditur Medicinae theſaurus!

Tan-

Tantus sanè , ut ad mutandam me sententiam permovisset , nisi docuisset usus , Aristotelem & Galenum Solos in scriptis Arabum sed linguâ tantum loqui variatâ.

Quae omnia si , ut Eruditis exploratum est , vera sunt , quid sequitur ?

Aliud profectô , quam temere quis sperasset , paradoxon : ab orbe nempe condito usque in aetatem Chemicorum universa , quae conscripta sunt Medicinae necessaria , exiguis arctari posse pellibus , & esse simplicissima.

Longè adeô maxima sapientiae Medicae ex Priscis addiscendae difficultas est illa , ut noscat , quos evitet , descriptors Priorum , paucosque , quæis se applicet Tiro , Auctores rerum.

Adeône ergô excitandus , qui Veteribus scrutandis totum se dedat Artis studiosus Medicae ?

Peribit certè , hujus consilii effectui , irreparabilis bene agendi occasio !

Hos evolvat solos , quos rimatus tutô caret reliquis.

Nisi forte profecturus is credatur multum , qui rectam ut viam absolvat , in orbem decurrit gnâviter.

Inscitia , imprudentia , precaria falsorum principiorum hypothesis , à labore in assensum declivis desidia , hominum , non seculorum , vitia sunt.

Fuere priscis , sunt damnosa haec praesentibus.

Studio ducitur , nec ponderat scientiâ , qui pulcherrima quaeque Recentiorum incepta elevans Antiquos instar Deorum solos veneratur.

Et est mordacis utique invidiae favere plus vetustis , quam bonis praesentibus.

Verum in alia longè ire solent plurimi , qui de labore Veterum satis abjectè cogitare proni , suae aetati largi tribuunt , quam Antiquis ademtam laeti ferunt , gloriam.

Hinc de promotis Medicinæ hâc tempestate pomperiis jactantia.

Inde tot Satyrae in Veterum inscitiam.

Sed rationis quum sit subtiliter à radice limare omnia, laboris in his librandis exantlati fructum liberè , & sine odio , nunc proferam.

Qui dogma sequuti summi Mathematici , quo elapsum modò decoratur seculum , promovendae Medicinæ incubuerunt , magni erroris flagitio corruerunt artem.

Enimverò finxere ingenio , ex quarum virtute deinde explicarent eventus Medicos , causas.

Quum interim nostræ scientiae conditio id exigat , ut ex observatis corporum phaenomenis in ignotae causae indolem detegendam assurgens intellectus , ex illâ sic prius inventâ deinceps demum derivaret caetera.

Igitur ex fictis dum deduxit pleraque , adeoque
solis

solis confusa generalibus, immani inde saltu ad singularia transfiliit Cartesiana schola, hinc ille ejus labos ita est Medico inutilis, ut tantum onus tuto Ars Medica excutiat.

Quanta vero molis sic liberetur pondere, Vos quaeso, spectaveritis!

Quodcunque enim novi post Harvaei tempora, exceptis Anatomicis, & paucis ex Mechanicâ, in Medicinam introductum est, omne id Cartesii Discipulis, vel Chemicis debetur.

Quid autem dixerim de emolumento, quo postremi hi rem locupletavere Medicam?

Vera loquenti jurgia speranda sunt, filere vetat instituti ratio.

Sua si exempla aequo ferunt animo, absque invidiâ verum quod est dixero.

Nempe applicando corpora corporibus, natos hinc effectus dum observant seduli, proprias quibusdam vires, harumque actiones, quâ licet hujus Artis facultati, detexerunt optimè.

Quae illorum opera quin necessaria sit & Physico & Medico, odiosus sit, qui dubitet.

Verum ubi leges dare hinc conati, quibus cuncta obedirent corpora, turpissimè mox lapsi sunt.

Ut enim dediti experimentis laudandi erant, ita dum ex angustiis singularium in immensa generalium spatia statim praepetes provolant, errori sunt obnoxii.

Ergo dum rebus hi admoti Medicis, plus detri-
menti, quam adjumenti, captum est.

Mox elementorum sine sensu strepitus! fermentorum commenta tam inania! fictae ferventium actiones corporum! Sales adversi solae operantis naturae Machinae! promissa nihil mortale jam spirantia! cuncta Chemiae producta salutifera! Actiones Medici his submissae fabulis!

En, inquam, infiniti erroris foeta capita!

Haec ex Paracelso, Helmontio, Tachenio, haec ex vetustis Chemicorum scriptis cautê si sustuleris, si quae in his apta rei Medicae accuratê elegeris, an, rogo, multa supersunt?

Pauca mehercle, & simplicia, quae labore impigro, cautâ prudentiâ, candidâ fide, & sermone plano, arte bonus Boylaeus omnibus explicuit.

En nostris detectam sensibus faciem, quâ nota jam nobis Medicina cernitur.

Habetne, obsecro, tantum illa corporis, ut hujus nos moles terrefaciat?

Suppetitne illi, dum sincera colitur, tam vasta nunc materies?

Nequaquam.

Propria Arti nos cernimus paucissima, horumque clarescit in paucitate simplicitas.

Quidquid extrâ haec speciem auxisse visum est, id ipsum non magis medicam, quam aliam, quaecun-

cunque fuerit , tangit scientiam.

Sed vero tenui hætenus scientiae sua constet, demus , simplicitas ; at consummatae forte olim fera timenda difficultas est.

Longè aliter ut sentiam , nisi me vera fugerit , recta cogit ratio.

Est enim una tantum cuique rei propria , & sua, indoles.

Hanc qui pulchrè tenuit , de eâ re aliud cogitabit nunquam.

Sed qui de incognitis multa praeceps disputat , eô plura aggeret , quò minus vera protulit.

Ut , qui rectam , quâ ad metam iter , viam decurrit , parvo labore votis solus fruitur ; dum qui ab hac , quae una semper est , deflectunt , innumerabiles dolos , semperque novos supervacaneâ pererrant diligentia.

Sapientiae ita in Medicis perfectio , quo veritatem felicius , eô pulchrius simplicitatem , conciliabit sibi.

Quum enim olim supina oscitantia , & procax pro arbitrio fingendi licentia , fabricam nostrae compagis non viderat , sed finxerat ; quae tum in corpore humano , quamque formidolosa discentibus , nos terruit varietas !

Verum ubi incensa sedulô industria disjunctam , prius â sensibus structuram oculis exposuit , miratur , subnixa fidis magis indicibus , Medicina , haec erepta
sibi,

sibi, quae, ut sua, foverat.

Formas nimirum solidorum abditas; Cryptas Archaei; singularium fermentorum myriadas; infinita variatis cribra meatibus; efficacissima inenarrabilium facultatum agmina.

O arduam, quae his modò cognitis acquirenda ferebatur, Medicinam!

Vix praeluxit facem clarus ille Harvaeanus phosphorus, vix affulsit nobis Malpighianum sidus, quin conspectu abditae prius machinae omnes luxuriantis ingenii nebulae discussae sint.

Sed simul, nimiam stupens in luce simplicitatem, vix suae confisa fuit aciei luminum Candidi Viri prudentia.

Quid ergò? Mens prudens aliud scrutandum rata plus mirificum, geminatae indaginis solertiâ, planiores, quam prius, naturae vias repperit.

Ut palam exclamet, postquam recondita corporis penetralia explicatissima habuerat, quò magis gnaram, eò sibi plus imminui, scientiam!

Quis liquidiores petat, quam quae microscopii effectu splendet, visceribus perlustrandis lucem?

Illa verò in minimis detegit eadem, quae in maioribus vasis oculus adverterat: indoles, figura, simplicitas, postremò ipsa actio, ubique certè eadem; adeò ut curatissima perspectio tollat quidquid olim creditum discriminis.

Tan-

Tandem pulchrum illud, oblectans, miroque jam excultum successu artificium, quo grandescunt minima, obscura clarent, extricantur abdita, & confusa ordinantur, an alio fructu colitur?

De injectu loquor colorati liquidi in Maeandros corporis, qui exhausti disparebant.

Sanè & hujus Artis eventus eos arguit, qui tam varia, atque humanum fere captum superantia de absconditis corporis humani partibus somniabant.

Omni scilicet, quod indagando juvat, artificio liquet, minima & recondita, maximis & apertis esse quam simillima.

Quum igitur de difficultate postremorum conquestus nemo fuerit, eritne de prioribus justae querelae locus?

Non est: sed apparebit nostrae machinae eò simplicior, quo notior, conditio.

Ne autem acrior cura urat animum humoribus perscrutandis intentum, pauca ut porrò extricem, inceptus jubet labor.

Quum enim innumeros horum effectus observent Artis periti, inde multiplicem eorumdem indolem concludunt; sed injuriâ.

Singulos nimirum eventus suis haerere causis ut verè asseritur, itâ has â solâ pendere varietate humorum assumitur falsissimè.

Ejusdem quia liquoris eadem actio, si diversis ap-
C pli-

plicatur corporis canalibus , effectus mirè variat.

Quorum proinde ortus non infert liquidi agentis diversum ingenium.

Quod si verò ipsa liquida spectaveris , novo argumento constat , fingi in his majorem , quam deprehendi , multiplicitatem.

Aqua , sal volatilis , oleum , & terra ex liquoribus humanis Arte separari solent.

Quae pauca , & facilè reducenda ad corpora simplicissima , ne vel sic tamen in vivo scatent homine.

Namque in eo sola materies adest , quae labore Chemico ita est mutabilis , ut inde demum natas partes exhibeat.

Quare humor naturalis simplicior , quam est , non ipsa multiplex , Artis haec progenies.

Rem ponit ob oculos , quam assero , dioptrice.

Microscopio enim si vitalia cernit oculus liquida , huius quantam in iis spectat simplicitatem !

Salsa ibi aqua rubros vehit globulos , qui pro variato adunatorum concursu suos colores mutant , solitarii tandem decurrunt postquam in angustias vasorum appulerunt , atque inde , per diversos colorum à rubro in pellucidum gradus , disparent.

His tandem solis permutata modis aguntur liquida in meatus vicinos molis capaces suae , ubi rursus eisdem acta causis , licet sint simplicia , effectus edunt plurimos.

Quae

Quae ut ipsa acies detegit clarissimè, ita simplex alimenti, quod recreandis nostris sufficit humoribus, conditio nunquid idem comprobat?

Ex aquâ & foeno, aut molliori gramine, nostris simillima generat bos liquida.

Cujus lacte solo homo sustentatus, inde transmutando sua fluida conficit: quae eadem ex aquâ & pane sobrius regenerat.

Crescit igitur simplicitas pro rato, quò accuratius cognoscitur fluidorum indoles.

Disparuere inde tot inania, de mirâ causâ caloris vitalis; de abditâ humoris radicalis naturâ; de variato fermentorum munere; de tot intestinis fluidorum motibus; de productis Chemicis in sanguine praesentibus; de salibus cruoris acerrimè oppositis; de conflictu horum explodente scintillas lucentis vitae; de balsamo quo vigeret vita; de sulphure ut causâ purpurascantis sanguinis; de Sale condiente, ne putrescant, liquida!

Disparuere tot operosa Nugantis certè cerebri commenta!

Ficta quidem omnia! commendata tamen, quasi horum fide vel staret, vel caderet, Medicina tota!

Horum expurgatâ faece, erutâque, quae inde radices ceperat, opinionum numerosâ sylvâ; quantula erit, quae fide stat scientiae, in liquidis simplicitas?

Esto autem, asserta sit haec sanis! An non aliud est,

quod eâ rerum copiâ Medicinam urget, ut natâ hinc molestiâ omnes disciplinas superet? Morborum scilicet nondum ad numerum revocata cohors. Illi tot, illi tam variâ, illi tam personatâ nobis facie illudunt, ut vel recensendis longa aetas impar sit; illi ergo soli opus immensum creant.

Quae ita censerî compertum diu habeo; sed eos haec maximè jactare, qui in Artis opere versantur omnium minimè, adeoque sermone clari, factis perquam obscuri sunt, & hoc novi quam rectissimè.

Hos tamen ego omnes rogatos velim, an non simplicissimae partis labes simplicissima, suae actionis defectu, morbum creet proprium?

Hic autem ipso nexus vinculo vicina inficere quin possit simili contagio, nullus est qui dubitat.

Sed eo solo actiones impedit earum, quas obsedit, partium.

Quod impedimentum quum morbus novus audiatur, ex unâ aegritudine effectus orti plurimi, variâ se specie, ut distincti, offerunt.

Illos dum incautus contemplatur Medicus, ipse deceptus mox imponit aliis, quasi essent diversae, quos in censum redigit, naturae.

Quum interim severiori pateat examine, unâ omnes stirpe cretos, hâc eradicatâ, extirpari ilicô.

O quam amaenus exspatiando campus oculis se porrigit!

Sed

Sed evagari Vestra vetat lenitas, quâ frui dum datur, abuti certê nefas est.

Unum dicturo veniam justus impetrabit impetus.

Si liquor fluit ex amplitudine canalís in ejus angustias, quodlibet fistulae internae punctum excipit vim ejus portionis fluidae, quae rectâ ab origine motus viâ in id ruit.

Quando igitur acutum corpusculum in aliquo cavi hujus incilis puncto ita se fixit, ut ejus apex firmus ibi haereat; tum illa pars, quae suprà glabritiem cavam eminet, sustinebit impetum omnis fluenti, cujus directum iter objectu sui corporis intercipit.

Ergo agetur eò majori momento, quo assurgens ejus moles grandior est eo puncto, in quod rectâ propulsi fluidi pars aequalis impingere solebat.

Omnis autem haec vis arietat in illud unum punctum ejus ductus, cui infixâ haeret acris illa particula.

Unde vas ibi divelli, solvique, iterque vitali ibidem humori intercipi, debet.

Simulac verò id mali accidit, liquidior pars intercepti liquoris per factam rimam effluet, dum crassior stagnat, coit, & compingitur.

Sed fluxus his impeditus per alia vasa libera impetum accelerat, auctoque attritu, febris fit, & aestus longê major.

Quo ipso stagnans calefcit, & ex blandâ indole in acre fugax vertitur, hincque duplicato malo destruit.

tenerima, quibus conflamur, stamina.

Quod si accidit parti, cujus integritas est vitae necessaria, nonne lethale damnum est?

Atqui in hoc transitu ab sanitate in mortem, labefactari necesse est medias omnes actiones, quae à vitae salubritate pendebant.

Quae dum sunt quam plurimae, morbus unâ natus, eâque simplicissimâ, causâ in corpore sanissimo, mille diversis speciebus gravis fit.

Hinc aliud cadit damnosi erroris caput; quo humores morbofi, in fine aegrimoniae reperti, pro materie, & praegressâ mali jam devicti causâ, habentur.

Qui diversi admodum allegari solent, ut multiplex mali principis probetur differentia.

Sed aliter ut sentiamus res, ut videtur, exigit.

Sincera enim liquida per morbi efficaciam momento quolibet variant.

Quae ergo mutatio non causa hujus, sed effectus, mali est.

Adeoque ille, qui omnes has diversitates primò notas petit, ut in sanationem primarii morbi eat curatio, inanem ludit operam; radice intactâ fructum vellit, &, sine profectu, artem sibi jam gravem mole majore aggravat.

At verò, adjumento hujus regulae quam immanni levatur, quo gemuit pressus, onere Artifex!

Diffusâ nempe & confusâ crisis doctrinâ, quae
ut

ut ex dictis habetur nota, ita sine his nequidquam intelligitur.

Id enim, quod finis morbi, ut excrementum, per crisin abjicit, in principio mali erat naturale corpori, sed vi aegritudinis corruptum jam degenerat.

Si itaque in initio extinctus esset morbus, critica materies vitae amica perennasset.

Nam qui vim pestiferam, simulac recepta venis, arte correxerit, omnem jam crisin antecepit Medicus.

Hujus tamen maturatio, periodus, directio, Artis Medicinalis conficiunt dimidium.

Tanto autem paradoxo ab exemplo vulgari clara constabit fides, si veneni virus in corpora falubria advertimus. Hauserit argentum vivum, cui â rodendo nomen, homo robustissimus. Quid fit? omnium pervertitur actionum ordo, candescit aeger aestu, putrescunt humores, atque corrupti colluvies per omnia corporis emissaria, quâ data porta, ruit. At tamen omnis hic impetus post tot excreta silens indicat ejus, quod asserui, veritatem liquidam. Non enim crisin hanc otiosus praestolatur Medicus; sed Toxici assumpti virus ilicô domans, omnem liquorum corruptelam antevertit: adeoque eô pulchrius officium fecit, quo pauciora praestitit.

Gradus igitur perfectionis fastigio proximus apicem simplicitatis simul in arte detegit.

Quod clarius iterum redditur contemplanti cum

Hip--

Hippocrate Chronicorum indolem.

Qui sponte oriuntur sensim, quandô assumpta non mutantur in formas sanis similes.

Id autem languor viscerum, vel penuria vitalis humoris admiscendi, efficit.

Inde enim spontaneam sibi naturam retinentes cibi nobis alieni sunt.

Hujus verô pertinaciae eventus observati facile plurimorum Chronicorum ingenium docent, quum alii ab acutis male curatis pendeant.

Perorassem, nisi unum adhuc restaret quod objicitur.

Remediorum scientia Artificem consummat sola; ea verô & infinita numero, & uni tamen singula suo morbo propria sunt.

Nihil ergô agendum, nihil ne tentandum quidem in arte erit nisi illi, qui propriam morbi speciem propriâ medelâ tollit.

Quae, si quid evincit, eô valet oratio, ut omne Medicum explodatur studium.

Nemo scilicet, insanus nisi fuerit, ad cultum scientiae adspirabit, cujus bonos usus novit impossibiles.

An verô sic se gesserunt in Artis exercitio, Viri qui laudantur, Hippocrates & Sydenhamus?

Impetum moderantur, excitant torporem, aut vires victu sustinent, curaturi acutos.

At quibus haec instrumentis perficiunt?

Iis,

Iis, quae copiam minuunt, acria molliunt, diluunt spissa, tenuata cogunt, stringunt laxa, laxant adstricta, impetum in innoxia derivant loca, vel sopiunt; quoties sedandum: Sed his, quae tenuando stimulant fibras, si languenti opitulandum naturae erit.

Aqua, Acetum, Vinum, Hordeum, Nitrum, Mel, Rheum, Opium, Ignis & culter phlebotomus, scopo huic sufficiunt.

Candore solito exclamat Sydenhamus: agendi gnaro raram remedii penuriam.

Ille tamen Idem conqueritur, adeò se fastidiosam offendere varietatem in morbis, dum hos scrutatur curâ sollicitâ, ut durati cordis constantia, & aetas protractior impar sit ferendis laboribus, quos exigit methodus curandi cuique morbo propria.

Ita est. Sed, qui tristi hâc notâ fata Medica Junior descripserat, senex jam factus in metâ vitae nobis faustiora cecinit.

Morbos nempe, quos variâ singulos viâ tractandos olim scripserat, universos communi sanari posse methodo, quâ misso cruori subeuns purgatio opio sedetur, dum victus caetera absolvit.

En scientiam & morbi & auxilii, quâ freti Artis Principes!

Ab his dum diversa, an meliora attulerunt alii?

Imò despectis laudata profuere minus: est enim auxilii bonitas simplicitate censenda, quum peri-

D

culosa

culosa ex ubertate Medicina fit.

Quid ergo opus tam vastâ pomposae ostentationis materie Medicâ?

In hac colligendâ quot sudarunt secula? In hac digerendâ quot lassati Medici? In hac praeparandâ quot exhausta capita?

At Cassiano illi, cui bono? nemo respondet.

Laboriosae Pharmaciae & operosae Chemiae vix melior simplicitate fructus est.

Nam contrâ chronica, quae usus Artis comprobant, an multa sunt?

Medicati fontes, Salium potestas, artificiosa Sudoris expulsio, Saponis, Argenti vivi, chalybis, virtus, & paucorum vegetantium bonaque cum his exercitatio corporis omne punctum ferunt.

Quo ergo tot Medicamina ex fossilibus, plantis, & animalibus, vel arte parata, vel naturâ?

Ut artium dignissima emunctae naris Viris evadat jocularia.

Facile enim videt, cui sensus abundat communis, quis tam inconditae abundantiae usus sit?

Ne incerto rerum Medico desit, quo inanitatem tegat ignorantiae, ut praesto sit, tentatis falsô plurimis, cujus nondum exploratâ aegrovanitate, deceptum lactet animum.

Quod aequum fieri censeo ne desperet aegrotus;

tus ; sed miror pariter ipsos Medicos ita se habere , ac si aliud quid , & pulchrius , his agatur omnibus.

Vos enim qui Veteribus perspectas Medicamentorum vires jactatis , si ignoratis ipsi , cur fingitis ?

Si noveritis , cur filetis ?

Quae nimirum Hippocrates , Theophrastus , Plinius , & Dioscorides , laudant , nescimus , & semper ignorabimus , exceptis forte paucissimis.

Vires descripsit , sed picturam plantae suâ tempestate satis notae neglexit , antiquitas.

Recentiores autem in facie pingendâ accurati , atque in ordinandis solertissimi , de potestate Herbarum vix tradidere quidpiam , nisi quod dubio nomini adscriptum ambiguo eventu descripserunt ex Veteribus.

Si qui verô sint , qui arcana se habere jactitant , quae in praemium privati laboris celent , successum saltem horum orbi verê approbent.

Lateat arcanum , pateat virtus ; explorata dignitas movebit hos , qui remunerari prони sunt & validi.

Sed semper periit revelatis bonitas ; non quod violata sit Religio , sed quia in medio data est occasio , quâ constet de inertia remedii jam cogniti.

Postremô si expenderis laboriosissimae praeparationis taedia, quid tanto dignum reperis molimine?

Herculeo labori exantlato pretium nihil!

Hydrargyrium, Opium, Peruvianus Cortex, ignis & aqua, sunt, ut norunt Optimi, in ipso opere certissima auxilia.

Quæ tamen, ut cruda ab almâ Naturâ porriguntur, plus boni efficiunt, quam si negotiosâ in otio arte permutata fuerint.

Nil desperandum simplicitate duce, sed fallit spem laboris involuti successus!

Luculento id docet Pitcarnius argumento, dum vires Hydrargyrii, in morbis tam mirabiles, simpliciter explicuit.

Has enim, qui observaverant, tam singulares viderant, ut maximê insolitâ â causâ pendere, omnes asseruerint.

Illi nihil horum, sed minutatim divisae hujus materiae pondus, omnibus obvium, considerans, inde agendi potestatem extricat.

Quam splendido id firmat exemplo Hombergius!

Ille vires & Medicatas & pestíferas ita docili solertiae patere nuper docuit, ut actionis simplicitas, quod incredibile, ne Geometricum quidem calculum effugiat.

At quo id argumento conficit? Quo docet, acidorum

dorum vim respondere ponderi, quod aquae diluenti inesse deprehenditur.

Quo fessum me rapis Chemicorum praestantissime? Ab unâ hac regulâ emanat lux viam pandens, quae calcata in penitissima nos adyta Naturae ducit.

Tibi hoc damus, capiundis in Chemiâ experimentis aptissimum, in ratiocinio hinc nectendo, cautissimum, Te haberi unum.

Grata posteritas omnis aevi tempore id decoris rependet Ludovico XIV, neminem extitisse, quotquot fuere, Principum cujus curae, & liberalitati, tantum debeat ingeniorum cultura & scientiae naturalis.

Namque ab sapienti & liberali instituto Academiae Regiae spes est rebus Medicis affulsuram brevi almam in simplicitate veritatem!

Sed, quod tempus monet, finio sermonem: non quod dicendo materies exhausta sit, sed quia proposito fidem paratam suspicor.

Quod ergo hoc in actu unum tandem superest, *Illustrissimi Academiae Batavae Curatores*, atque *Civitatis Lugdunensis Amplissimi Consules*, pro Vestrâ in me benefactis gratias Vobis ago!

Me namque, obscurum hominem, in Clarissimam Academiam producere, & explicandae Medicinae admovere, tunc Vobis placuit, quum Ve-

stro tantum suffragio electus, nec ullo spectatus applausu, in theatrum adscendi.

Tenuis dein conatus meos probatos lenitati Vestrae, stipendio & promissis auctis testari non fuistis dedignati.

Hodie summum, quod habetur, pretium persolvere liberalitati Vestrae visum fuit, unde perpetuo debiti vinculo obstrictus Vobis vivam.

Ab ambitu vacuus hoc munus, benignè datum, suscipere audeo, quod Vestra prudentia explorando ponderans me non ineptum censuit.

Dabo operam, ut favoris hujus nunquam Vos poeniteat; &, quam agere me jussistis, personam pro dignitate conabor tueri.

Si verò in gerendo hoc officio pretii quid assequar, Vestrae id ergà me benevolentiae vivum habeo semper monumentum.

Reverentiâ, obsequio, gratitudine, industriâ Vos venerabor. Ultrâ non valeo, Ultrâ nil exigitis.

Professores Clarissimi, Vestro adscriptum ordini ne fastidiosè me admittatis, oro!

Ego omni venerationis & amicitiae officio demereri Vos studebo; hoc enim communis Vobis dignitas me jubet, hoc me pietas, quam discipulus quibusdam Vestrum debeo, semper monebit.

Sunt viginti & quatuor anni Eruditissime Grono-

vî,

vî, quum rudi stylo expoliendo Tua mihi disciplina profuit, utque vel hâc horâ causam Romanâ linguâ tueri aulim, primô aptavit.

Quo eodem tempore Te Acutissime Senguerdî, integro colui triennio Philosophorum placita clarissimê docentem simul & amicissimê.

Atque, O utinam Celeberrime Voldere! sapientissime, morumque & virtutis Sanctitate Integerri-me Vir, serenam Tuam, meoque adeo charam pectori, frontem, laetus hinc jam conspicerem!

Utinam non cogerer ad vacuam Tuam sedem acerbissima prosopoiâ orationem vertere!

Ante octodecim enim annos ex liberalitate Tuâ Mathematica didici, quorum ita, me pellexit dulcedo, ut eam vitae partem, quam Te duce his impendi, suavissimam & utilissimam, jure summo reputem.

Te denique, Clarissime Markî, Sacra docentem privatis laboribus, facilitate mirâ, & indefessâ diligentia, audivi primo, quo huc transieras, biennio.

Tot ergo honorum & benefactorum devinctus nominibus, ne infertus Vestro corpori videar ingratus, vestrâve indignus benevolentia, pro virili annitar.

Medicinae studiosi, qui grato plausu mihi do-centi vigorem incitare soletis, Vos fortunae hodiernae fabros agnosco.

Nam

Nam vestra approbatio meis major meritis, meâ major exspectatione, favorem mihi conciliavit Procerum, in vestra qui semper & vota & commoda vigilant, hujusque effectu locum hunc obtinui.

Si profui, dum precarii muneris & stipendii tenuioris respectus meos à Vobis divisit labores, ut plus porrô juvem spes nata erit.

Nam largiori nunc pretio & certâ firmatus sede, Vestris me commodis promovendis dabo totum.

Quod si mea Vobis fides, si probatur facultas, agite bonis, & laetis, auspiciis ingrediamur unâ, quae ad Honores ducit, Laboris AEdem.

D I X I



